

- Tochter:** Na wart nār! Burnstn, wie ich mit 'n Vinel 's Dorf nohgemacht bie, hob ich ne gesah.
- Kleiner:** (entzückt) O —, wie sohch 'r dä aus? Wos hot r dä gemacht?
- Tochter:** In de Fanster hot 'r neigeguckt un ä ganz bies Gesicht gemacht.
- Kleiner:** Do kimmt r wuhl eppr aa ze uns?
- Mutter:** Rah wuhl sei. Rahst de dä aa orndtlich baten? Sift steckt r dich in sen grußen Sack.
- Kleiner:** (erschrocken) Wos werd dä do mit mr? — — —
Ach, ich wäß: do nimmt r mich miet in Himmel.
- Vater:** Eppr werds esu.
- Mutter:** (lachend) Nu volterscht gar! Wos wolln se dä mit dir in Himmel machen? Nä, dr Kupperich macht aus dir än von de hilzerne Engeln un beschert uns dan zen Heiling Christ.
- Kleiner:** (in die Hände klatschend) Dos werd obr schü! Nahrt stellt ihr mich wuhl miet of dr Kripp?
- Vater:** Ach ja, de Kripp! Sihst de, Grußer, die müssen mr aa noch virrichten.
- Großer:** O Vater. Heit Ohmd werd esu wetter nischt. Dürfen mr do net 's Krippenzeig von Buden ro huln?
- Vater:** Meitwaang, dos könnt r.
- Kleiner:** Ich gieh obr aa mit of n Buden! (Will zur Tür hinaus.)
- Mutter:** (hält ihn zurück) Halt emol eh! Ize gibts nischt. Erscht werd gassen!
(Die Tochter bringt eine Schüssel Kartoffeln, Salz und Fett, dazu Untertassen und Kaffeekanne. Sie essen.)
- Vater:** Su ä Ardeppl is doch wos guts!
- Großer:** Ja, un noch drzu, wenn mr orndtlich Fett draufschmieren tut.
- Mutter:** Du hältst ize dei Maul! Beim Nssen werd net gelabert. —
(Nach einer Weile, als sie sieht, daß der Kleine mit vollen Backen laut und hastig schluckt):
Werscht de geleich orndtlich käue, Kläner? Du wärgst doch alls ganz ehinner. Du werscht 's wuhl drwarten könne, bis 's of n Buden gieht!
- Kleiner:** (kauend) Hm, hm! (Nach einer Weile) Ize hob ich obr genung! Un nu of n Buden!